

御批資治通鑑綱目

第五
正六冊

御批資治通鑑綱目卷五十

起戊午唐文宗開成三年。凡三十年。盡丁亥唐懿宗咸通十年。

三年春正月盜射傷李石。

李石入朝有盜射之微傷馬驚馳歸。又有盜邀擊於坊門斷其馬尾僅而得免。上大驚。敕中外捕盜甚急。竟無所獲。

以楊嗣復李珣同平章事李石罷為荆南節度使。

上自甘露之變意忽忽不樂。兩軍毬鞠之會什減六七。或徘徊眺望。或獨語嘆息。嘗謂宰相曰。朕每讀書耻為凡主。然與卿等論天下事。則不免愁。李石曰。為理不可以速成。今內外小人尚多疑阻。願陛下更以寬御之。彼有公清奉法。如劉弘逸薛季昶者。陛下亦宜褒賞以勸為善。上曰。我與卿等論天下事。有勢未得行者。退但飲醇酒求醉耳。石承甘露之亂。人情危懼。宦官恣橫。忘身殉國。故綱紀粗立。仇士良深惡之。潛遣盜殺之。不果。石懼。辭位。上深知其故。質實楊嗣復華陰人。於陵之子。荆南節度。注見漢獻帝建安十

三年南郡甘露之變事在太和九年。韋翰注見高宗永徽三年擊鞠徘徊。注見太宗貞觀二十三年。紀綱注見宋文帝元嘉元年。

發明

上書盜傷李石。下書李石罷。則大臣不得安其位。天子不能為之主。而當時之事。槩可知矣。凡此類直書于冊。其義自見。

以李宗閔為杭州刺史。

楊嗣復欲援進李宗閔。恐為鄭覃所沮。乃先令宦官諷上。上以語宰相覃。果對曰。陛下若憐宗閔。只可量移。若欲用之。臣請避位。陳夷行亦曰。宗閔織人。曷以朋黨亂政。陛下奈何愛之。楊嗣復曰。事貴得中。因與嗣復互相詆訐。以為黨。上曰。與一州無傷。覃等退。上謂魏謩曰。宰相諠爭如此。可乎。對曰。誠為不可。然覃等盡忠憤激。不自覺耳。李固言與嗣復。李珣善。故引居大政。以排鄭覃。陳夷行每議政之際。是非鋒起。上不能決也。集覽量移。注見德宗貞元二十一年。鋒起。漢東方朔傳。變詐鋒起。荀子。嘗試之銳鋒起。注如鋒之齊起。銳而難犯。

質實

杭州。注見憲宗元和二年。陳夷行。潁州人。

夏五月禁諸道言祥瑞

太和之末。杜棕鎮鳳翔。時有詔沙汰僧尼。會有五色雲見于岐山。近法門寺。民間訛言佛骨降祥。以僧尼不安之故。監軍欲奏之。棕曰。雲物變色。何常之有。未幾。獲白兔。監軍又欲奏之。棕曰。野獸未馴。且宜畜之。旬日而斃。監軍不悅。畫圖獻之。及鄭注代棕。奏紫雲。見。又獻白雉。是歲遂有甘露之變。及棕判度支。河中奏騶虞。見。百官稱賀。上謂棕曰。李訓。鄭注。皆因瑞以售其亂。乃知瑞物非國之慶。卿在鳳翔。不奏白兔。真先覺也。對曰。昔河出圖。伏羲以畫八卦。洛出書。大禹以叙九疇。皆有益於人。故足尚也。至於禽獸草木之瑞。何時無之。劉聰桀逆。黃龍三見。季龍暴虐。得蒼麟白鹿。以駕芝蓋。以是觀之。瑞豈在德。願陛下專以百姓富安為國慶。自餘不足取也。上善之。他日謂宰相曰。時和歲豐。是為上瑞。嘉禾靈芝。誠何益於事。宰相因言春秋記災異。以儆人君。而不書祥瑞。用此故也。遂詔諸道有瑞。皆勿以聞。

集覽 騶虞。說文。白虎。黑文。尾長於身。仁獸。足不履生草。食自死之肉。河出圖。注見漢光武建武中元元年河洛洛出書。注見同上。劉聰。晉時據平陽。僭國號漢。季龍。石氏。晉末據襄國。僭稱後趙。

質實 鳳翔。府名。注見周顯王八年岐沙汰。

注見宋孝武大明二年。岐山在鳳翔府岐山縣東北一
十里。山有兩岐。故名。亦曰天柱山。其峯高峻。狀若柱然。
禹貢導岍及岐。太王邑於岐山之下。文王時。鳳鳴岐山。
皆此地。俗名鳳凰堆。法門寺在鳳翔府扶風縣北二十
五里。唐憲懿二宗迎佛骨之所。河
中府名。注見周赧王十二年蒲坂。

秋八月。義武節度使張璠卒。

質實

義武節度。注見周威烈王二十三年中山。

璠在鎮十五年。為幽鎮所憚。及有疾。請入朝。未報。戒其
子元益舉族歸朝。毋得效河北故事。及薨。詔以李仲遷
代之。**集覽**幽鎮。幽州。盧龍藩鎮。鎮州。成德藩鎮。河北
故事。注見憲宗元和十五年以故事勸。

詔神策將吏改官。皆先奏聞。

開成以來。神策將吏遷官多不聞奏。直牒中書令。覆奏
施行。遷改始無虛日。至是始詔皆先奏聞。狀至中書。然
後檢勘施行。

冬十月。太子承卒。

考證

卒。當作暴卒。○謹按唐無父子之
恩。是以儲貳多不安其位。文宗惟

一子。不思繼體之重。擇賢師傳以教誘輔翼之。乃聽楊賢
妃譖毀。卒不免死。晚年不得已。立兄子。又為中人廢殺之。

傳至武宣。立不以正。遂有兄弟不相為後之議。拜姪之嫌。雖身後入太廟。亦不能自安。皆文宗有以自取之。文宗果能恤其子。必不至於若是也。常因本文。書曰太子永暴卒。

初太子永之母王德妃。無寵。為楊賢妃所譖而死。太子頗好遊宴。昵近小人。賢妃日夜毀之。上召宰相及兩省御史郎官議廢之。皆言太子年少。容有改過。國本至重。豈可輕動。中丞狄兼謩論之尤切。至於涕泣。給事中韋溫曰。陛下惟一子。不教。陷之至是。豈獨太子之過乎。翰林及六軍使數十人。復表論之。上意稍解。宦官宮人。坐流死者數十人。至是暴薨。**質實**。韋溫京兆人。綬之子。

書法

漢董后。唐憲宗暴崩。書暴崩。永暴薨矣。則曷為止書卒。病文宗也。文宗不明。不能芘及其子。其

暴薨也。視之恬不為異。綱目從其恒辭。而書之。所以病其上也。

發明

浸潤之譖。膚受之愬。不行焉。可謂明也已矣。可謂遠也已矣。文宗君德不剛。僅有一子。乃以浸

潤之譖。欲加廢黜。雖賴群臣力諫。其意稍解。而終以不免。故太子實暴卒。而綱目止書其卒者。所以著文宗昏蔽之失。雖其子之死。且不能明。若其自以病卒。然爾。嗚呼。儲貳之重。宗祧所繫。近在宮庭之內。而曖

昧若此。則四海之廣。匹庶之賤。欲望其幽枉畢達。蓋亦憂憂乎其難矣。宜乎書法如此。以譏其不明也。

以郭收爲邠寧節度使。

上問柳公權以外議。對曰。郭收除邠寧。外間頗以爲疑。上曰。收尚父之姪。太后叔父。自金吾作小鎮。外間何尤焉。對曰。非謂收不應爲節度使也。聞陛下近取收二女入宮。有之乎。上曰。然。入參太皇太后耳。公權曰。外間不知。皆云收納女後宮。故得方鎮。上曰。然則奈何。對曰。獨有自南內遣歸其家。則外議自息矣。上卽日從之。**覽**。收與旻同。尚父郭子儀也。代宗尊之爲尚父。猶太公望爲周師尚父。說者謂可尚可父。天子師也。南內興慶宮也。郭太后所居。**質實**。郭收。華州鄭縣人。邠寧節度。注見肅宗元年執金吾。上元元年。金吾官名。注見漢武帝太初

以張元益爲代州刺史。

易定。監軍。奏軍中不納李仲遷。請以張元益爲留後。宰相議發兵討之。上曰。易定。地狹人貧。軍資半仰度支。急之則無所不爲。緩之則自然生變。但謹備四境以俟之。乃除元益代州刺史。頃之。軍中果有異議。元益出定州。

質實

易定。二州名。易注見周世宗顯德六年。定注見周威烈王二十三年中山代州。注見秦王政三年鴈

門。度支官名。注見太宗貞觀十三年。

吐蕃燹泰贊普死

考異

提要。死。誤作卒。

燹泰多病。不能為邊患。弟達磨立。荒淫殘虐。國人不附。災異相繼。吐蕃益衰。

質實

吐蕃西羌種名。注見

太宗貞觀八年。

四年春三月司徒中書令晉文忠公裴度卒

考異

此誤書諡

考

證

當去文忠二字。分註諡文忠。

度鎮河東。以疾求歸東都。詔入知政事。正月。至京師。不能入。見勞賜旁午。至是薨。上怪度無遺表。問其家。得半藁。以儲嗣未定為憂。言不及私。度身貌不踰中人。而威望遠達四夷。四夷見唐使。輒問度老少。用捨。以身繫國家輕重。如郭子儀者。二十餘年。
質實
東。河東郡名。注見漢獻帝建安七年河東。注見漢昭帝元平元年。中人。注見周顯王二十五年。旁午。注見漢昭帝元平元年。中人。注見漢元帝初元二年。

書法

書官。書爵。書諡。終唐世五人而已。狄仁傑。宋璟。李晟。馬燧。裴度。皆忠賢也。舍是。大臣卒無具官

爵諡者矣。

夏五月。鄭覃罷爲右僕射。陳夷行罷爲吏部侍郎。

上與宰相論政事。陳夷行言不宜使威權在下。李珣曰。夷行意疑宰相中有弄陛下威權者耳。臣屢求退。苟得王傅。臣之幸也。鄭覃曰。陛下開成元。二年。政事殊美。三年。四年。漸不如前。楊嗣復曰。元年。二年。鄭覃夷行用事。三年。四年。臣與李珣同之。罪皆在臣。因叩頭曰。臣不敢更入中書。遂趨出。上召還勞之。覃起謝曰。此乃嗣復不容臣耳。嗣復曰。覃言政事一年不如一年。非獨臣應得罪。亦上累聖德。退三表辭位。上召出之。而罷覃及夷行。覃性清儉。夷行亦耿介。故嗣復等深疾之。

集覽

苟得王傅。苟猶言但也。但得爲諸王之傳。幸矣。

實

耿介。注見陳武帝永定二年。

以姚勗檢校禮部郎中。

上以鹽鐵推官姚勗能鞠疑獄。命權知職方員外郎。右丞韋溫奏。郎官朝廷清選。不宜以賞能吏。上乃以勗檢

校禮部郎中。仍充舊職。楊嗣復曰。溫志在澄清流品。若有吏能者。皆不得清流。則天下之事。孰為陛下理之。恐似衰晉之風。然上素重溫。終不奪其所守。

集覽

流品。注見玄宗開元十七年流外。

秋七月以崔鄆同平章事。

質實

崔鄆。貝州武城人。鄆之弟。

○冬十月立

陳王成美為皇太子。

楊妃請立皇弟安王溶為嗣。上謀於宰相李珣。非之。乃立敬宗少子成美為皇太子。上幸會寧殿作樂。有童子緣橦。一夫來往走其下。如狂。上怪之。左右曰。其父也。上泣然流涕曰。朕貴為天子。不能全一子。召教坊劉楚材。官人張十十等數人。責之曰。構害太子。皆爾曹也。付吏殺之。因是感傷。舊疾遂增。十一月。疾少間。坐思政殿。召當直學士周墀問曰。朕可方前代何主。對曰。陛下堯舜之主也。上曰。朕豈敢比堯舜。所以問卿者。何如周赧。漢獻耳。墀驚曰。彼亡國之主。豈可比聖德。上曰。赧獻受制於彊諸侯。今朕受制於家奴。以此言之。殆不如也。因泣下。霑襟。墀伏地流涕。自是不復視朝。胡氏曰。欲除太子者。賢妃楊氏也。劉楚材。張十十之徒。奉承妃意而已。文宗乃以陷害之罪均之。而不**集覽**緣橦。緣。循也。橦。傳江反。柱也。漢武時享四

夷之客。作巴俞都。**質實**。陳州名。注見周赧王三十七年。

盧。尋種緣竿戲。安州名。注見周世宗顯德五年。

同鶻相掘羅勿弑彰信可汗。

國人立。監駭特勒為可汗。會歲。**集覽**。監駭特勒。監苦盍。

受大雪。羊馬多死。同鶻遂衰。反。駭。蘇市反。監駭。

其各也。同鶻俗謂。**質實**。同鶻北狄種名。注見太宗貞觀。

其子弟曰特勒。元。年。可汗。夷狄君長號。注見漢。

後主景。耀四年。

書法。蠻夷書殺。此其書弑何。相弑之也。相弑之。則曷。

里。德宗建中元年。烏介。武宗會昌六年。亦相弑之。則曷。

何以書殺。非中國所冊命也。非冊命。則固不可以中。

國之法治矣。忠貞。德宗貞元六年。昭禮。太和六年。亦

冊命也。則其不書弑何。忠貞。昭禮。骨肉相殘。王者不

治夷狄。雖以中國之法治之。亦難乎責之以詳也。故

雖中國所命立。必相弑之。而後始書弑。終綱目。夷蠻

書弑六。詩。

齊丁丑年。

甲庚

是歲天下戶數四百九十九萬六千七百五十二。

書法

自廣德中辰書天下戶口之數二百九十餘萬至是六十六年所增者二百萬耳甫及天寶之

半生聚之難如此哉

五年春正月立潁王漚為皇太弟廢太子成美為陳王

上疾甚命知樞密劉弘逸薛季稜引楊嗣復李珣至禁中欲奉太子監國中尉仇士良魚弘志以太子之立功不在已乃言太子幼且有疾矯詔立漚為太弟以成美冲幼復封陳王漚沈毅有斷喜愠不形於色與安王溶皆素為上所厚
質實潁州名注見梁武帝天監二年

書法

廢立者仇士良矯詔耳不書矯詔何病文宗也帝惟一子不能全之至於暴薨而莫之悟遂子

其姪焉而又使姦臣得以廢之綱目書立書廢無異辭若曰帝實為之也云爾

帝崩太弟殺陳王成美遂即位

考證

太弟當作太弟漚

上崩仇士良說太弟賜楊賢妃安王溶陳王成美死敕大行以十四日殯成服諫議大夫裴夷直上言期日太

遠不聽。時士良等追怨文宗。凡樂工及內侍得幸者。誅貶相繼。夷直復上言。陛下繼統。宜速行喪禮。早議大政。以慰天下。而未及數日。屢誅戮先帝近臣。驚率士之視聽。傷先帝之神靈。人情何瞻。國體至重。若使此輩無罪。固不可刑。若其有罪。旬日何晚。不聽。太弟卽位。是爲武宗。胡氏曰。昔成王有疾。不以疾病困殆。而正衣冠。就公卿。出經遠。保世之格言。女子小人。何由得行其私。姦謀匿計。何由得乘其隙。此固周召作聖之功。而成王敬德之效也。文宗有美質。而無聖學。故於始終大節。懵懵焉不然。當疾病之時。自力御殿。引召宰執。面命太子。臨見群臣。仇上良革。雖欲移易。亦安得而移易哉。故孔集覽子作春秋。公薨。必書其所。其垂教之意深矣。遠矣。大行風俗通曰。天子新崩。未有定諡。故稱大行皇帝。周召作聖之功。此是周公召公能作聖之功也。書多方。惟狂克念作聖。蔡氏傳曰。愚而能念於善。則可爲聖矣。成王敬德之效。此亦成王知敬德之效也。書召誥。王其疾敬德。蔡氏傳曰。言德不可不敬也。容可緩乎。自力御殿。自力猶言力疾也。天子所止謂之御。謂帶病勉力升殿。書法賀善贊曰。文宗恭寬勤儉。多可紀者。然深惡朋黨。而不知所辨。欲去宦閹。而不知所倚。篇中所載。非二李之出入。則訓注之始末也。至於太子以暴薨。而不書暴。太弟以矯詔立。而不書矯。綱目尤不滿。

焉。○卽位書遂。譏遽也。陳霸先嘗書之矣。於是再見武宗有富天下之私。汲汲於成美之死。書曰。殺陳王成美。遂卽位。陋之也。於是殺安王。溶不書。舉其重者而已矣。

發明

成美既爲太子。而無故廢之。則太弟之立。蓋攘奪而得之耳。然成美本封陳王。今止還其故爵。則在成美初無加益。况始焉成美之立。出於文宗本心。今太弟何爲必欲殺之。蓋武宗樂乎其位。有利欲之心。志在除去已逼。故雖仇士良納說。而綱目必曰太弟殺之者。推原其本。責有所歸故也。嗚呼。武宗之得國如此。雖欲享年有永。胡可得哉。

夏五月。楊嗣復罷。以崔珙同平章事。

質實

崔珙。博陵人。珙之子。

○秋

八月。葬章陵。

質實

一統志云。章陵。在西安府富平縣西北二十里天乳山。

○李珣罷。

九月。以李德裕同平章事。

初上之立。非宰相意。故楊嗣復。李珣。相繼罷去。召德裕而相之。德裕入謝。言於上曰。致理之要在於辯群臣之邪正。夫邪正二者。勢不相容。正人指邪人爲邪。邪人亦指正人爲邪。人主辯之甚難。臣以爲正人如松栢。特立

不倚邪人如藤蘿。非附他物。不能自起。故正人一心事君。而邪人競爲朋黨。先帝深知朋黨之患。然所用宰皆朋黨之人。良由執心不定。故姦邪得乘間而入也。夫宰相不能人人忠良。或爲欺罔。主心始疑。於是旁詢小人。以察執政。如德宗末年。所聽任者。惟裴延齡輩。宰相署敕而已。此政事所以日亂也。陛下誠能慎擇賢良。以爲宰相。有姦罔者。立黜去之。常令政事皆出中書。推心委任。堅定不移。則天下何憂不理哉。又曰。先帝於大臣。好爲形迹。小過皆含容不言。日累月積。以至禍敗。茲事大誤。願陛下以爲戒。臣等有罪。陛下當面詰之。小過則容其後改。大罪則加之誅譴。如此。君臣之際。無疑間矣。上嘉納之。初。德裕在淮南。敕召監軍楊欽義。知樞密。德裕待之無加禮。欽義銜之。德裕一日延之堂中。贈以珍玩數狀。欽義大喜。過望。行至汴州。詔復還淮南。欽義盡歸德裕所贈。德裕卒與之。後欽義竟知樞密。德裕柄用。頗有力焉。

集覽 柄用。前漢谷永傳。方見柄用。注。柄。權也。言任用之。

質實 汴州。注。見周顯王二十九年大梁。

而授以權。

冬十月。黠戛斯攻回鶻。破之。回鶻嗚沒斯款塞求內附。

初。伊吾之西。焉耆之北。有黠戛斯部落。卽古之堅昆。唐初結骨也。乾元中。爲回鶻所破。不通中國。其人悍勇。吐

蕃回鶻。常賂遺之。假以官號。回鶻既衰。其酋長阿熱始自稱可汗。回鶻擊之。連兵三十餘年。反為所敗。廬駟破殺諸部逃散。可汗兄弟盟沒斯等。及其相赤心。那頡駼各帥其眾。抵天德塞下。賀穀食。且求內附。天德軍使溫德彝奏回鶻潰兵。侵逼西城。詔振武節度使劉沔屯雲迦關以備之。**集覽**。黑夏斯。點下。入見漢宣帝黃龍元年。堅昆盟沒斯。可汗兄弟之名也。盟鳥沒反。赤心。回鶻之相名。即沙陀朱邪赤心也。注見高宗永徽三年。朱邪那頡駼亦回鶻。**正誤**。其相赤心。今按之相名也。頡奚結反。駼。株悅反。相也。武宗會昌二年。為盟沒斯所殺。會昌三年。回鶻侵逼振武。石雄等帥沙陀朱邪赤心三部襲其武帳。至懿宗咸通十年。朱邪赤心以討龐勛功賜姓名李國昌。為大同節度使。乃李克用之父也。**集覽**。誤甚。**質實**。**伊吾**。郡名。注見漢明帝永平十五年。焉耆西域國名。注見宋文帝元嘉十二年。堅昆西域國名。注見漢宣帝黃龍元年。**結骨**。注同上。年堅昆酋長。注見漢帝立更始二年。**天德軍**。注見憲宗元和八年。**西城**。未詳處所。**振武節度**。注見憲宗元和八年。

魏博節度使何進滔卒。子重順知留後。質實。**魏博節度**。注見漢成帝綏

唐武宗會昌元年

和二年
魏郡
○蕭太后徙居積慶殿。○十一月以裴夷直為杭

州刺史

故事新天子即位兩省官同署名上
質實
杭州注見憲宗元和二年

兩省注見中宗景龍二年

以李中敏為婺州刺史

內謁者監仇士良請以開府蔭其子為千牛給事中李中敏判云開府階誠宜蔭子謁者監何由有兒士良慙恚李德裕亦以中敏為楊嗣復之黨惡之出為刺史胡氏曰李中敏判語雖近戲然深得事實仇士良雖恚終無知之何留之朝廷豈不為南牙之助李德裕乃以楊嗣復之黨逐之其失大矣
集覽
千牛句也掌執御刀
質實
李中敏隴西人婺州注見晉哀帝興寧三年東陽南牙注見中宗嗣聖十四年

武宗皇帝會昌元年春二月回鶻立烏介可汗。○三月以